

Barandiaran-ek ezin etorria adierazi du.

Aurreko agiria irakurri da ontzat arturik.

Lafitte mintzatu da eta dio Bidasoaz gorako eragille bezala Jean Baptiste Dirassar artu litekeala. Dio, gaiñera, alderdi artako laguntzaille guztiai orri bat bialduko zaiela zenbait galdera eginiñ jakiteko nork zer egin dezakean. Irakurri egin du eta guztia ontzat artu da. Bidasoaz beherean ere egin behar litzakeala aipatu da. San Martin-ek esan du berak fitxa asko dauzkala eginiñ eta Euskaltzaindiaren esku uzten dituela.

Andoain-go alkateak agur bat bialdu digu eta Larramendi-ren bigarren eunurteburua ospatzeko otsaillaren 6- ean antolatu duten itzaldira gomitatzen gaituzte.

Gernika sortu zala seigarren mendea ospatzeko aurten zenbait jai egingo dira. Ayuntamentua prest dago 63.500 pezeta saritan emateko ipuin eta ensayo sariketak euskeraz jarri ditzagun. Bilboko «Radio Popular»-ek ere laguntasuna eskeintzen du. Oñiarri batzuk irakurri eta ontzat artu dira. Zabaldu bitez. Gaiñera, bide batez, eskatu bekio Ayuntamentuari, gogoia erakutsi baitu, euskaldunen alfabetizazio kanpaina bat egin dezan Gernika-n, ortarako nahi duen laguntasun guztia eskeiniñ.

Toponimia kontua atera danean Elozegi-k esan du oraindik denbora piska bat beharko dala ondo antolatzeko.

Eskoletarako liburuen saila dala-ta, Loidi-k Santamaria-ren karta bat irakurri du. Zatarain geixorik omen dago. Batzorderako urrengo aukerak izendatu dira: Irigaray, buru, Anai Berriotxo, Oregi, Salbador Garmendia, Zatarain, Santamaria, Peña, Aita Mokoioa, Anai Olabeaga, eta Julene Azpeitia.

Euskal autore klasikoaren antolojiaz San Martin-ek izkribu bat ekarri du: nola dijonan egin duten lana, nolako autoreak sartuko diran, izango duen luzeera eta beste-lako xehetasunak. Ontzat artu da guztia.

Euskaldunen alfabetizazio kanpafiak beste izkribu bat ekarri du San Martin-ek berak. Nola Gipuzkoako Itxaso-n esperientzi bat egiten ari diran ango gazte euskaldunen artean illabeteko saiaketa bat eginiñ eta nola moldatu duten irakasaldia.

Lojendio-k dio Patrick Farrell irlandesak Lopez Mendizabal-en gramatika itzuli duela gaztelaniatik inglesera eta laguntzailleak izendatzeko garaia datorrenean kontuan eduki behar litzakeala.

Lizardi poesia saria nori eman erabaki dute juradukoak. Gabriel Aresti izan da irabazlea *Euskal-harria* lanarekin. Iru boto izan ditu. Luis María Mujika-k boto bat izan du *Nire errostatik* lanaren alde, eta Antonio Bilbao Monasterio-k beste boto bat *Bi ta bi lau ta bi...* zortzi-ren alde.

Besterik gabe oi dan oitizarekin bukatu da batzarrea, asieran bezala.

*Euskaltzainburuordea*

P. LAFITTE

*Idazlariordea*

ALFONSO IRIGOYEN

Donostian, Diputazioaren jauregian, 1966-III-25.

Bildu dira: Dassance, buru, Labayen, Haritschelhar, Larzabal, Villasante, Zavala, Lafitte, eta Irigoyen euskaltzainiak. Oregi, Zubikaray, Zatarain, Aresti, Arkotxa, Dirassar, Arregi eta Juan Garmendia laguntzailleak.

Lojendio, Arrue eta Oleaga-k ezin etorria adierazi dute.

Aurreko batzarreko agiria irakurri eta ontzat artu da

Lafitte-k izkribu bat irakurri du. Dio, Euskal autore klasikoan antologia bukatzen danean, Euskal itzen bereizkuntzak zeatz egiteko batzorde bat sortzea komeni litzakeala. Batzarrekoai gauza egokia eta egin beharrekoa iruditu zaie.

Dirassar-ek dio nola bialdu zaien Bidasoaz gorako laguntzaileai orri bat zenbait galdera egiñik eta orainarte artu diran erantzunen kontu eman du.

Bertsolari txapelketez berriketa bat egin da. Nafarroakoa Igantzi-n asiko da maiatzaren 15-ean eta Bizkaikoa Euba-n maiatzaren 1-can.

Irigoyen Bilbon zabaltzeko bidean dagoen eskolaz mintzatu da. Bizkaiko Diputazioaren laguntasuna eta bultzada lortzeko modua omen dago.

Esan du, gaiñera, gazte batzuk urbildu zaizkiola «Krisellu» izenarekin euskal teatro talde bat sortzeko asmoz eta nahi luketela Euskaltzaindiaren etxean egon. Aresti-k itz egin du gero talde orren berri emanik eta nolako asmoak dituzten adierazirik. Gaiñera Euskaltzaindiari, asierako gastuetarako, iru milla pezeta aurreratzeko eskatu dio. Ontzat artu da guztia.

Gero berriketa bat egin da Bilboko eta Iruñeko egunerokoetan euskerazko artikulua argitaratzeko sortu dan giroaz.

Arregi Euskaldunen alfabetizazio kanpañaz mintzatu da eta nola dijoan antolatzeari jakiniarazi du. Alde batetik gaiak prestatzea eta bestetik nola gertatu errietako gauzak. 1. Gaija amabi leziotan prestatu omen diteke. 2. Bakoitza euskalkitik asi eta beste euskalkiak eta batasun beharra ezaguterañio. 3. Urriari asi diteke zenbait erritan eta orretarako Donostian egin diteke udan irakasleak prestatzeko billera bat. Oso ondo iruditzen zaie asmoa bildutako guztiei.

Besterik gabe oi dan otoiñez asi eta bukatu da batzarrea.

*Euskaltzainburuordea*

L. DASSANCE

*Idazlariordea*

ALFONSO IRIGOYEN

Donostian, Diputazioan, 1966 apirillaren 29-an.

Bildu dira: Irigaray, buru, Zavala, Arrue, Labayen, Larzabal, Satrustegi, San Martin, Villasante, Lafitte, Haritschelhar eta Irigoyen euskaltzainiak. Oregi, Altuna, Zatarain, Loidi, Oleaga, Eizmendi, Arkotxa, Artola, Juan Garmendia, Aresti eta Etxaniz laguntzaileak.

Dassance, Eppherre, Dirassar eta Gereño-k ezin etorria adierazi dute.

Bergara-ko Ayuntamentuak eskatzen digu maiatzaren 30-ean erri artan egiteko alderdi artako bertsolarien txapelketa. Egin bedi.

Loyola-ko Filosofia Fakultadearen erretoreak eskatzen digu iraillean Euskaltzaindiaren batzarrea erri artan egiteko Larramendi-ren gorazarrea ospatuaz. Egin bedi.

Gure batzarrean dago William C. M. Browy jauna bere emaztearekin. Norteamerikanoak dira. Berriketa atsegin bat izan dugu aiekin. Euskeraz ikasten ari da Getaria-n. Irigaray-k aipatu du University of Idaho-k «Amigos del Pais»-ekoai bialdu dien karta zenbait gauza eskaturik prestatzen ari diran euskal gaien bibliotekarako.

Udarregi-ren omenaldi antolatzaileen izenean Jose Anton Arza-k egingo danaren programa bialtzen digu, gure izenean norbait joan dedin eskatuaz. Badaude batzuk arako asmotan diranak eta berak izan bitez gure ordezkariñza dutenak. Bide batez Xenpelaar sariak eman ditezke egun batean ondo iruditzen bazaie antolatzaileai.